

# ARUBA TA RICIBI SOSTEN DI LIKIDES DI HULANDA PA E PROXIMO 3 LUNA

Aruba a cumpli cu tur e  
condicionnan necesario pa por  
yega na remarke pa e sosten di  
likides aki di 181 miyon florin



Prome Minister sra. Evelyn Wever – Croes


## TRAHADONAN DEN CATEGORIA DI LIMPIESA DI SKOA NO LO PERDE TRABOU

Prioridad di Gobierno den e pandemia ta pa niun hende  
perde trabou

## Aruba su tradicion di celebracion Dia di San Juan 24 di juni



**8**  
**SI! CU**  
**ENDY SI!**



**Porta habrí,  
Solucion Concreto**





# N.V. ELMAR ta sera acuerdo cu BOHAMA

## N.V. pa construccion di un 60 kV

### Onderstation nobo na Sabana Blanco

E onderstation na Sabana Blanco di 60.000 Volt ta un di e shete (7) onderstationnan di N.V. ELMAR cu ta ricibi suministro di coriente directamente for di e planta di WEB Aruba N.V., y e ta den funcion desde principio di 1990. Pa por cambia y pone un instalacion nobo y mas moderno, N.V. ELMAR mester traha un edificio nobo ya cu e instalacion nobo no por bai den e edificio bieu.

E instalacion nobo lo provee/alimenta 4 transformator di 60.000 Volt pa 12.000 Volt, esta na Sabana Blanco, Paardenbaaistraat, Tanki Leendert y Palm Beach. N.V. ELMAR tin un total di 14 transformator di 60.000 Volt pa 12.000 Volt rond di Aruba.

Teniendo cuenta cu e instalacion di 60.000 Volt na Onderstation Sabana Blanco a yega su expectativa tecnico (technisch levensduur), N.V. ELMAR a acerca diferente contratista local pa den forma di un invitacion participa na un destaho pa construccion di un onderstation nobo. Den e destaho aki Bouwen Handelmaatschappij Aruba N.V. (BOHAMA) a sali como esun cu miho oferta.

E edificio nobo a wordo diseña (basisontwerp) door di personal di N.V. ELMAR, y HJC Engineering N.V. (HJC) a hasi e bouwkundigontwerp y bestek. HJC lo tene supervision riba e construccion. Den un periodo di 8 luna e edificio nobo lo mester ta conclui.

E di dos fase di e proyecto aki ta consisti di cumpra equiponan nobo cualnan ta un hoogspanningsinstallatie di 60.000 Volt hunto cu su panelnan di protection y control. E equiponan aki lo wordo fabrica na Europa (Swisa). Personal di N.V. ELMAR lo ta bai ta presente na e fabrica na momento di keuring pa e asina yama "Factory Acceptance Test". Aunke cu e hoogspanningsinstallatie



ta bai wordo usa na Aruba cu un voltahe di 60.000 Volts, e voltahe cu equipo lo wordo getest cu e ta 550.000 Volt (entre otro). Esaki ta wordo exige door di e "International Electrotechnical Commission" (IEC normen). E voltahe halto aki ta pa sigura cu si tin algo fout den e instalacion pa esaki wordo detecta na e fabrica mes. Despues cu e equiponan pasa nan inspeccion/keuring, nan lo wordo transporta pa Aruba.

Na Aruba tecnonan di e fabrica Swiso lo bin pa assembla y test e equiponan pa despues pasa nan pa ELMAR.

E di tres fase lo ta unda cu tecnonan di Hulanda di e fabrica di kabel Prysmian lo bin Aruba pa desconecta e kabelnan for di e instalacion bieuw di 60.000 Volt, pa asina reconectanan na e instalacion nobo. Despues di esaki e proyecto lo ta completa y lo por saca e instalacion bieuw hunto cu su panel di protection y control for di servicio.

E onderstation nobo aki mescos cu e otro lo wordo monitorea y controla for di N.V. ELMAR su kantoor na Oranjestad. E parti di "automatisacion" aki tambe lo forma parti di e proyecto.

E acuerdo di construccion a



ser firma pa Sr. Alexander Leijenaar, director di BOHAMA, Sr. Hendrik Croes, director di HJC y Sr. Anthony Irausquin, Managing Director di N.V. ELMAR.

Cu e edificio y instalacion nobo na onderstation Sabana Blanco, N.V. ELMAR ta sigura suministro di coriente na Aruba den diferente barrio rond di Aruba pa e añanan nos dilanti.

Por ultimo N.V. ELMAR ta agradeci Directie

Infrastructuur en Planning (DIP), Dienst Landmeetkunde en Landgoedregistratie (DLV/Kadaster) y Dienst Openbare Werken (DOW) pa nan cooperacion pa cu e proyecto aki.





# Si cu Si, # 8

## Cu porta habri, Endy ta yamabo danki p'e confiansa

Y di es forma aki nos ta conclui tambe e campanja di mas di 6 siman, unda Endy Croes a presenta su plan, comparti su vision, y asina scucha pueblo.

E plannan di Endy ta bon estableci, pa deporte, economia, infraestructura, y tur e otro proposicionnan di MEP.

Durante varios siman Endy a drenta varios bario na Aruba y a pone su horea y curazon cerca e ciudadano. Dje forma aki, el'a haya un bon bista di tur loke mester haya prioridad.

Durante su 3 anja y mei den parlamento, Endy a lucha cu alma y cuerpo pa haci husticia. El'a entrega tur loke e tin na informacion na Ministerio Publico, cumpliendo cu su trabao, cu e confiansa cu ABO a deposita den dje. Cu awe Mike Eman ta zundra riba Endy, hamas ta asina cu Endy tin culpa di nada! Endy a cumpli cu su deber. Y tur cu a haci malo, mester sinta riba nan blaar.

Pesey mes nos ta haci un apelacion na un y tur, cu ainda no tin un candidato, pa join Endy Croes, basha bala riba number 8. Si, cu Endy Si, Cu porta habri, Solucion Concreto.



**Vota SI!**

**SI!** pa **Recuperacion**

**SI!** pa **Bienestar**

**SI!** pa **Trabou**

**SI!** pa **Democracia**

**SI!** pa **mas Turismo**

**SI!** pa **mas Inversion**

**SI!** pa **Deporte**

**SI! CU ENDY SI! 8**

### Corte di Prome Instancia 25 juni 2021

Horario	Sospechoso	Acto Castigabel
08.30	R.P.A.C.	C. ta wordo acusa di violacion y di labamento di placa den e lunanan di april y mei 2020.
10.00	L.L.M.	M. ta wordo acusa di homicidio y maltrato pisa na 2021.

**Prome Minister sra. Evelyn Wever - Croes**

# ARUBA TA RICIBI SOSTEN DI LIKIDES DI HULANDA PA E PROXIMO 3 LUNA

**Aruba a cumpli cu tur e condicionnan necesario pa por yega na remarke pa e sosten di likides aki di 181 miyon florin**

Prome Minister sra. Evelyn Wever - Croes cu hopi alegria ta anuncia cu a logra segura e sosten di likides pa e di tres kwartaal pa e aña aki cual ta pa lunanan juli, augustus y september. Esaki ta encera e suma di 181 miyon florin.

E suma aki a wordo aproba den Consejo di Minister di Reino y Secratio di Estado sr. Raymond Knops a manda informa Parlamento di esaki. Den su informe sr. Knops ta informa cu Aruba a cumpli cu tur e condicionnan necesario pa por yega na remarke pa e sosten di likides aki di 181 miyon florin.

Adicionalmente den e carta cu el a manda pa Tweede Kamer, e ta elogia e forma con Aruba a bin ta atende cu e tema akinan y con Aruba ta duna su palabra y ta cumpli cu n'e.

Segun Prome Minister Evelyn Wever - Croes, asina a trece tranquilidad y estabilidad cu aworaki nos por conta cu e suma aki pa e proximo tres luna. Sin embargo, e suma ta indica cu ainda ta depende grandemente di Hulanda pero e suma lo bay baha como cu Aruba ta den recuperacion. Ya tin mas movicion economico riba Aruba, pero ainda ta depende di Hulanda, Prome Minister a elabora.

Mientrastanto ta sigui na mesa cu Hulanda riba e Rijkswet nan. Keto bay ta deliberando riba e Consejo di Raad van State y mira kico ta resta di e leyman di COHO y RAFT despues cu Raad van State a duna Aruba rason den esaki. E mesun puntonan cu Aruba a trece dilanti aña pasa den negociacion cu Hulanda, Raad van State a



subraya den su conseho.

“E trabounan a cuminsa di biaha riba e trabounan pa e siguiente kwartaal, pasobra ta durante di e siguiente simannan cu lo bay fiha

kico ta e condicionnan pa e ultimo kwartaal. Esaki ta temanan cu tin nos atencion,” Prome Minister Evelyn Wever-Croes a termina bisando.

## Departamento di Labor cera pa publico diabierna 25 di juni 2021

- Departamento di Labor y Investigacion kier a participa na tur cliente lo siguiente. En conexion cu votamento riba diabierna 25 di juni 2021 nos lo ta cera pa publico. Riba dialuna 28 di juni 2021 nos lo atende

publico bek segun nos orario normal.

Nos ta pidi disculpa di antemano pa cualkier inconveniencia esaki por trece cune.

## DTI d.d. 24 juni 2021

Por medio di es comunicado aki DTI ta informa cu :

DTI ta ser Diabierna 25 juni 2021 full dia en conexion cu dia di Eleccion. Pa casonan di emergencia por jama na Tel: 5943778.

DTI su balie lo habri bek Dialuna 28 juni 2021 na e orarionan normal cual ta ; Di 07:45am-11:30am y di 13:00-15:30pm.

Alavez DTI ta informa cu pa traha un afspraak pa keur un vehiculo di motor mester presenta personalmente na balie cu e siguiente documentonan;

1. Registracion di e vehiculo (Registratie DIMP).
2. Polisa di seguro di e vehiculo. (Imprimi, no digital).
3. E keuring ta costa Awg. 50,- y mester wordo paga ora traha e afspraak.

Dia di keuring e cliente mester trece e siguiente documentonan:

1. Registracion di e vehiculo (Registratie DIMP).
2. Polisa di seguro di e vehiculo valido. (Imprimi, no digital).
3. Recibo di DTI cu e fecha di afspraak.





Prome Minister sra. Evelyn Wever – Croes

# TRAHADONAN DEN CATEGORIA DI LIMPIESA DI SKOA NO LO PERDE TRABOU

Prioridad di Gobierno den e pandemia ta pa niun hende perde trabou



Prome Minister Evelyn Wever-Croes diahuebs mainta den conferencia di prensa di Gobierno di Aruba a informa di e desicionnan cu a wordo tuma pa loke ta trata enseñansa. Por a tuma nota cu den e ultimo temponan tin un disputa andando entre SKOA y Minister di Enseñansa y esaki a pone cu esnan cu ta traha na SKOA den categoria di limpieza nan futuro lo por ta den peliger y esaki ta algo cu Ministerraad no tabata kier na ningun momento.

“Nos ta den un pandemia

cu a afecta henter mundo y nos Gobierno ta haciendo e maximo esfuerso pa mantene hende na trabou. Nos ta trahando duro pa manetene esnan den sector publico na trabou. Berdad mester a entrega poco pero ta pa purba manetene hende na trabou. Tambe ta purbando na mantene esnan den sector priva na trabou. Pues nos maneho y esfuerdonan ta pa evita pa hende perde trabou”, Prome Minister a duna di conoce.

Den e caso aki pa evita

esnan cuta traha na SKOA perde trabou y mirando e disputa entre e Minister di Enseñansa y SKOA, Ministerraad a dicidi di pone esaki den man di mediator di gobierno. A encarga Minister di Labor Glenbert Croes pa envolvi mediator y trata na sali di e disputa y e impase cu tin.

Mediator di gobeirno a entrega su conseho y a entrega dos diferente opcion y actualmente e consehonan ta den fase final pa wak cua opcion lo scoge. Mediator di Gobierno ta propone pa

no kita e hendenan aki di trabou y e dos opcionnan ta wordo studia. Mientrastanto Prome Minister a reuni tambe cu Minister di Finansa y Asuntonan Social y hunto ta trahando na yega na un solucion pa no tin mester di retira niun hende di trabou.

“Pues mi mensahe ayera tabata pa SKOA pa no retira niun hende di

trabou ya cu ta SKOA tin cu retira of tuma hende pasobra e conseho di mediator ta bay wordo sigui. Pues tur hende por keda trankil pasobra niun hende ta bay perde trabou. Mi tin cu bisa cu SKOA ta un partner hopi grandi y esun mas importante pa cu Enseñansa y loke nos kier aworaki ta estabilidad y trankilidad den e veld di Enseñansa

## PARTICIPACION

ARUGAS ta informa su fiel clientenan cu pa motibo di Eleccion Parlamentario su planta y oficina situa na Barcadera lo ta sera **Diabierna 25 di juni desde 12:00 di mainta.**

ARUGAS lo ta habri manera custumber pa publico, riba Diasabra 26 di juni 2021

Di 8:00 AM pa 11:45 AM

pa yenamento di gas y pago adelanta pa pedido di gas.

## ANNOUNCEMENT

In connection with the Parliamentary Elections to be held on Friday June 25, 2021 our plant and offices at Barcadera will be closed for the public at 12:00 AM.

Our customary Saturday services will resume on Juner 26, 2021 from 8:00 AM to 11:45 AM.



info@arugas.com





# KFC Bucket Challenge su ganador Vincent Sherwood



Riba 19 di juni 2021, KFC a dicidi di celebra e dia di tata cu un Bucket Challenge.

Di e forma aki KFC ta sigui den su caminda pa celebra 50 aña na Aruba. Tabata tin 8 participante y e ganador absoluto a bira Vincent Sherwood, kende a gana "e combo di 2 pida galiña pa 1 aña largo"

E participantenan durante a anochi di e Bucket Challenge tabata: Franklin Gonzalez; Jair Ramos, Javier Navas, Jonathan Roa, Orlando Navas, Vincent Sherwood, Jovany De Silva De Freitas y Samir Angel. Tur mester a purba di come 21 pida galiña den 15 minuut. Vincent y Jovany a termina ta comiendo cada

uno 14 pida galiña den e 15 minuut. Pa e desempate, cada uno a haya 3 pida galiña extra y esun cu a come esakinan mas liher a bira e ganador. Akinan ta unda cu Vincent a logra termina e 3 pida galiña mas liher cu Jovany.

E anochi a bay den un sfeer tremendo y hopi familiar, unda cu e participantenan a yega cu amistad y familiarnan pa apoyanan.

Tabata tin ijscream gratis pa e muchanan, dino jump, Chick-a-Roo a saca potret y regala bala na e muchanan.

Riba e rednan social tabata tin un gran acogida tambe. E siguidornan riba e rednan social tambe a wordo premia, esaki a keda den persona di MarcelRodriguez, cual a gana un bucket di 15 pida galiña.

KFC su management team y personal kier a gridici e comunidad di Aruba pa e apoyo di semper. E MC di e anochi señor Ivo Yanez, Elite Productions & Entertainment y Dj Version y tur persona cu di un forma of otro a coopera den e anochi aki.

Semper keda bon informa tocante KFC via nan facebook.com/KFCaruba y Instagram @kfcaw, tambe por bishita [www.kfc.aw](http://www.kfc.aw)





# Departamento di Salud Publico ta informa Orario di ciere pa majan dia di election

di Juni 2021 – Aruba: Departamento di Salud Publico ta informa orario di ciere pa majan enconnection cu dia di election.

Majan DVG y su seccionan lo ta habri di 7.30am pa 11.30am y pa dialuna, 28 di juni lo ta operativo bek cu e orarionan normal di 7.30am te cu 4.30pm.

Nos seccion di Food handlers, Warenkeuring & Hygiena lo ta habri pa asina duna

e servicio di otorga solamente carnet di salud (Gezondheidsverklaring) entre 7:45am te cu 11:15am.

Prikpostnan na DVG, Sporthall Sta Cruz y ImSan lo ta sera full dia y pa dialuna lo ta operativo bek.

Pa cualkier informacion, por tuma contacto na 522-4200 of por subi nos website [www.dvg.aw](http://www.dvg.aw) of nos facebook page.



## Auto a dal tras di otro na Wilhelminastraat



Diamars merdia a drenta informe di un accidente den Wilhelminastraat. Mesora a

dirigi un patruya na e sitio. Na yegada di e patruya a bin compronde cu un auto lo a dal

tras di un otro. Afortunadamente ningun persona a resulta herida.





# BAN CINE

Diadomingo, 20 di juni 2021, pa 3'or di atardi un grupo di miembro di OPPA a bay Cinema den e salanan VIP y despues e mesun grupo a bay come na Café de Plaza na Seaport.

En principio e actividad aki tabata programa pa tuma luga riba dia 18 di maart, pero debi cu un brote di 'Covid 19' a bolbe lanta den e luna di maart, e Crisis Team a bolbe introduci medidanan estricto pa tur actividad publico. En conexion cu e medidanan tuma, OPPA a dicidi cu no por sigui cu e actividad aki.

Aruba su eleccion pa Staten ta tuma luga riba dia 25 di juni 2021. Teniendo cuenta cu esaki e Comision di Actividad (CdA) a dicidi pa e actividad aki tuma luga prome cu e eleccion. Den e Reunion General di dia 6 di juni 2021 nos a laga sa na e miembronan presente cu e actividad di dia 18 di maart 2021 ta sigui riba diadomingo, 20 juni 2021.

Un cantidad di casi 60 miembro a pasa un atardi hopi ameno y por a goza di e pelicula 'Something's Gotta Give' cu e actornan Jack Nicholson y Diane Keaton, na Cinemas. Pa banda di 4:30 di atardi, despues di e cine, e miembronan a cana bay Café de Plaza pa disfruta di un cena den un ambiente agradabel y familiar.

Hopi di e miembronan di OPPA a pidi pa bolbe haci un actividad similar pasobra nan a gosa hopi y ta contento di por a bolbe topa cu otro y conbersa. Pronto e boluntarionan di CdA lo organisa un otro actividad parecido. Keda pendiente!





# UN ENCUENTRO AMENO DI FIESTA DI SAN JUAN, DERA GAY DI DEPARTAMENTO DI CULTURA NA JOHN F. KENNEDY EDUCACION CENTER



Departamento di Cultura Aruba (DCA) bou di auspicio di Ministerio di Cultura Aruba a tene un encuentro ameno di Fiesta di San Juan, dera gay na John F. Kennedy Education Center. Empleadonan di DCA y di Departamento di Enseñansa Aruba a topa otro den un ambiente di Celebracion di San Juan.

Minister di Cultura Aruba Sra. mr. Xiomara Maduro a bishita e encuentro aki y a haci entrega di un reconocimiento y homenahe na Sra. Ray-Anne Hernandez, presidente di Centro di Bario Tanki Leendert pa nan contribucion na e celebracion di San Juan, dera gay y su persona cu na un edad jong ta contribui na nos cultura

durante hopi aña caba. Riba ambiente musical di e agrupacion musical di DCA a crea un encuentro ameno relaciona cu Celebracion di San Juan dera gay. Tambe sr. Cornelio Croes a conta su experiencia di su 20 aña caba organizando actividad di Celebracion di San Juan, dera gay. Asina'ki a duna un chispa di e celebracion aki y tur esnan presente a pasa un rato yen di ambiente.

Departamento di Cultura Aruba ta sigui cu su contribucion na e Celebracion di San Juan y su proyecto escolar pa nos scolnan tanto preparatorio y basico.

Biba nos Cultura, Biba San Juan y tin un Bon San Juan!




**KOOYMAN**

NO 06, VALID FROM JUNE 24<sup>TH</sup> UNTIL JULY 11<sup>TH</sup>, 2021



**BUILD YOUR DREAM KITCHEN!**

**DISPONIBEL ONLINE TAMBE**  
**NOS FOLDER NOBO A SALI!**



# Di-Stefano Wernet na Roland Studley

## Tuitt “Por la Plata Baila el Mono”.

E realidad ta cu e jaarrekening 2019 di Fundacion Lotto pa Deporte traha door di Roland Tuitt tin varios fout aden, pero tambe e jaarrekening 2015 y 2019 tin insinuacionnan falso, difamatorio y mentiroso contra mi persona. Tuitt bo ta un persona sin integridad. No ta mi costumber di reaccion riba hende cu no tin moralidad, pero ta ora pa comunidad di Aruba sa e berdad. Bo ta mescos cu bo amigo Patrick Paskel. Laga mi splica esaki na placa chikito cu evidencia ki tipo di hende manipulador bo ta.

Ken ta Tuitt

Roland Studley Tuitt, ta un ex politico na Sint Maarten, a nace dia 20 november 1955.

Ta hunga rol di ta Register Accountant (“RA”) y Certified Public Accountant (“CPA”). Hasta riba su businesscard e ta pone e dos titulonnan aki. Bo ta un nep-registeraccountant y tambe un nep-CPA.

Dicon, pasobra:

(i) bo persona a wordo “doorgehaald” na Nederlandse Beroepsorganisatie van Accountants (“NBA”), antes NIVRA, a kita bo number for di registro di register accountant dia 31 di december 2013.

(ii) bo licencia di CPA duna dor di American Institute of Certified Public Accountant (“AICPA”) na Merca a expire dia 31 di mei 1996. A pesar di tur esaki bo a firma contracto di servicio profesional cu Fundacion Lotto pa Deporte entre otro dia 17 di september 2018 usando e titulo di CPA bou e number di bo compania RS Tuitt CPA NV. Ta straño cu ta parse e NV aki tin como meta estatutario pa maneha un kantoor di CPA, pero abo mes como director di e NV no ta CPA. Claro por la plata baila e Mono ora bo amigo Patrick Paskel den su sabiduria di “streetwise” ta yama Tuitt un register accountant. Hopi loco mes bo mester ta ora bo ta papia sin pensa.

Aya banda a pesar cu den e sentencia victorioso di Corte (AUA 2019 1844 fecha 30 di augustus 2019) cu mi a gana Lotto pa Deporte, den cual entre otro mi persona a wordo rehabilita dor di Huez, como e unico director estatutario di Lotto, toch e Hunta di Supervision di Lotto a inscribi Tuitt na Camaria di Comercio como “Directeur” di Lotto entrante 17 di januari 2019. Esaki ta un violacion di e vonnis aki

y tambe di e settlement agreement (version 3) di december 2019, cual a palabra cu voluntariamente entrante 31 december 2019 mi a retira di Lotto recibiendo un “vertrekvergoeding” manera stipula den e contracto di labor di december 2017. E inscripcion aki di e Hunta di Supervision di Lotto no ta legal. Den mi getuigenschrift di Lotto di dia 18 februari 2020 firma door di e Presidente di e Hunta di Supervision di Lotto Silvio Janga ta declara cumi persona tawata director estatutario di Lotto for di 1 november 2017 – 31 december 2019. Ami cu tawata e unico director estatutario di Lotto na 2019 no ta aproba e maneho irresponsabel di Tuitt pa cu Lotto den 2019. Ta pesey mes mester bini un investigacion profundo di bo maneho financiero cu a hinca Lotto pa Deporte di crisis di liquidez, debe y capital propio negativo causando cu deporte no ta hayando placa manera mester ta. Mi tin e siguiente observacionnan pa cu e jaarrekening 2019 di Lotto pa Deporte traha dor di nep-accountant Tuitt y audita dor di Grant Thornton:

- Riba pagina 11 di e jaarrekening 2019 audita ta para citaat: “The Foundation pledged, through a letter dated 1 December 2014 to the members of the Sports subsidie Commissie, to provide an additional subsidy for the fiscal year 2015 to Sports subsidie Commissie in the amount of Afl. 500 thousand. The current Management of The Foundation is contesting this as the former director of the Foundation overstepped his bounds by promising the additional funds”. E statement aki den e jaarrekening 2015 audita ta manipulativo y falso. Ami tawata director estatutario di Lotto pa Deporte den e periodo 1 november 2017 – 31 december 2019 basa riba e statuto nobo di 19 oktober 2017. Promer cu esey mi tawata Presidente/CEO estatutario di Lotto for di 11 juni 2012 basa riba e cartanan di nombracion di dia 11 di juni 2012 y 1 di januari 2013. E carta di Lotto manda na Sports subsidie Commissie di dia 1 di december 2014 a wordo firma door di mi persona como Presidente di Lotto (no como director estatutario) hunto cu e tesorero di Lotto y e carta aki a carga aprobacion di e directiva di Lotto basa riba statuto di dia 25 di april 2005. E carta aki ta cuadra cu articulo 6 di e statuto 2005.

- Riba pagina 12 di e jaarrekening 2019 audita ta para citaat: “As the end of 2019 Mr. Wernet, the former director of the Foundation, was terminated and a settlement agreement was signed”. Akinan Tuitt ta violando mi privacidad. Alavez e ta papia mitar berdad pasobra door cu mi a gana mi caso den Corte y Huez a manda mi bai traha bek na Lotto pa Deporte a pidi mi e ora ey pa negocia un salida voluntario unda Lotto ta usa placa di deporte pa “pay mi out” conforme contracto di trabou. Ta mas cu claro den caso cu tawata tin irregularidad ta loco bo mester ta paga un vertrekvergoeding pa un director bai voluntariamente. Tambe mi tin un observacion critico pa cu e jaarrekening 2015 trahador di nep-accountant Tuitt y audita dor di Grant Thornton

- Riba pagina 21 di e jaarrekening 2015 audita ta para citaat: “There is no support for the increase of the estimated useful lives of these sport & recreation facilities and based on the condition of the sport & recreational facilities, the Management of the Foundation decided to reverse this change as it better reflects the estimated periods during which the assets will remain in operation”. Tuitt ta un mentiroso pasobra tin un carta di experto pa support e asunto aki fecha dia 6 juli 2015. Ta berdad cu Lotto pa Deporte cu ta doño legal di diferente facilidadnan deportivo y di recreo no tin placa pa mantenenan. Lotto a pasa e maneho di mantencion pa e Fundacion Facilidadnan Deportivo (“FFD”) pero no ta pone placa. Ta laga gobierno di Aruba duna subsidio cu placa di belasting (pueblo) na FFD, pasobra Silvio Janga, Elias Kock, Flavio Fanyete y Antonious Kamperveen a firma e contracto cu Canadian Bank Note (“CBN”) na 2011 lubidando di a regla placa pa mantencion di e facilidadnan. E mesun hendenan aki no a negocia tampoco placa pa por paga bek e fianza di Afl 17 miyon duna dor di Gobierno di Aruba. Awor ta cana yora cu gobierno no kier extende e moratorio, cu a expira despues di 10 aña, riba e fianza aki pasobra e maneho irresponsabel aki a pone cu Lotto pa Deporte no tin placa pa paga e fianza aki bek. Tambe ta lubida cu ta e mesun hendenan aki a ricibi gran parti di e placa di e fianza di Afl. 17 miyon. Na juli 2010 ta nan a haya riba e cuenta di



banco di Lotto pa Deporte e parti di Afl. 11,5 miyon di e fianza. Ta nan mes a maneha y usa e placa aki. Ambos caso ta un blunder di marca mayor y irresponsabel cu gran falta di profesionalismo.

Como director estatutario mi a wordo stroba den mi funcionamiento ta pesey mi no por a finaliza e jaarrekeningnan atrasa bou di e structura (statuto) bieu unda ta e tesorero ta primariamente responsabel pa jaarrekeningnan. Es decir e tesorero di Lotto cu ta e actual presidente di Hunta di Supervision di Lotto Silvio Janga no a hasi su trabou manera debe ser.

For di momento cu mi a bira director estatutario di Lotto na november 2017 e Hunta di Supervision a start un guerra interno contra mi persona. Un di e asuntonan cu mi a wordo stroba door di e Hunta di Supervision di Lotto pa completa, ta cu mi kier a laga hasi un investigacion forensico den Lotto pa Deporte door di un profesor/dr/RA di Hulanda riba directiva (incluyendo mi persona) y Hunta di Supervision basa riba e consejo profesional di experto/profesor den corporate governance fecha dia 22 di mei 2018. E unico persona cu a wordo investiga door di e Hunta di Supervision hunto cu e nep-accountant Tuitt ta mi persona. Tuitt bo ta un mentiroso pathologico y bo no ta integro. Bo falta pa “grow up” den moralidad. Bo amigonan den Hunta di Supervision Silvio Janga, Elias Kock, Flavio Fanyete y Antonious Kamperveen nan sabi esey bon bon, pero toch nan ta keda sostiene bo persona como director envez di “core” cu bo. Esey ta bisa hopi mes di nan integridad tambe. Ta pesey mes mi no por caba di compronde con un multinacional manera CBN cu tin un reputacion internacional hopi halto por sigui coopera cu boso den e business di loteria.



# 'E ANTESTALA' UN PROGRAMA CU ENFOKE RIBA 'ELECCION 2021' SINTONISA DIABIERNA AWOR PA 7 OR DI ANOCHI

Bou di iniciativa di e mesun grupo di 'E DEBATE' lo tuma lugar diabierna awor dia 25 di Juni pa 7 or di anochi te cu 9 or di anochi un programa cu enfoke riba eleccion 2021.

E ANTESALA di eleccion 2021 lo ta un "Online Show" unda cu e presentadornan lo comenta y duna informacion riba historia y proceso di eleccion, highlights di e debatenan, bloopers di programanan, impacto di social media durante campañ y mucho mas! Lo tin diferente Social Media Guest Stars tambe invita cu lo analisa trends, duna un analysis riba nan programa y comparti nan experiencia di eleccion 2021.

E presentadornan pa e anochi aki lo ta den man di e mesun moderadornan di "E Debate". Ta trata aki di e presentadornan di e programa Vota Pa Ken, tres hoben esta Samil Susebeek, Mauro Caralps y Sharkk Gario y Jaqueline Wernet hunto cu Atan Lee JR presentadornan di e programa Debate Virtual



Xclusivo.

Pueblo completo lo por sigi esaki via rednan social manera e.o e pagina di facebook di 'Vota Pa Ken', 'Debate Virtual Xclusivo' y tambe otro medianan local cu lo join e transmission for di 7 or di anochi. E programa lo cuminsa

asina cu e urna nan sera y lo termina prome cu resultado nan cuminsa drenta.

Pa locual ta produccion, esaki lo ta den man di Elite Productions & Entertainment y Elite Studios.

Danki na Setar N.V., Subway, CMB, Crest, Elite Productions & Entertainment, Taco Bell, Kly Eyecare, Gianni's, Cas Bon, Driftwood, Red Fish, Swift Trading, Smadrt Systems y Matthews pa nan aporte pa hasi e programa aki posibel.



## Directie Voogdijraad

Dia di eleccion

Den connexion cu dia di eleccion diabierna 25 juni proximo, Directie Voogdijraad ta informa pueblo di Aruba lo siguiente:

- Pa e dia aki caha lo ta habri parti mainta di 8or pa 11or
- Directie Voogdijraad lo ta sera pa publico entrante 11.30 am
- Pa cualkier pregunta por manda email na [directie.voogdijraad@aruba.gov.aw](mailto:directie.voogdijraad@aruba.gov.aw)

Riba dialuna 28 juni 2021 Directie Voogdijraad ta bek na su orario normal di 7.30am pa 12or y 1or pa 4.30pm.



# Aruba Democracia 2021

Urna	Districto	Total votador	A21	TRANSFORMA ODA	MAs
1 Centro di Bario Noord	Noord	1,032			
2 MFA Noord	Noord	992			
3 Sint Anna School (1)	Noord	840			
4 Sint Anna School (2)	Noord	973			
5 Sint Anna School (3)	Noord	1,062			
6 Sint Anna School (4)	Noord	968			
7 Club Don Bosco	Noord	1,071			
8 Scol Basico Kudawecha	Noord	1,060			
9 Colegio Felipe B. Tromp	Noord	1,007			
10 Compleho Deportivo Frans Figaroa	Noord	1,095			
11 Scol Basico Washington (1)	Noord	930			
12 Scol Basico Washington (2)	Noord	799			
13 Centro Hubenil Washington	Noord	998			
14 Centro di Bario Tanki Leendert	Tanki Leendert	1,055			
15 Colegio Ora Ubao (1)	Tanki Leendert	1,120			
16 Colegio Ora Ubao (2)	Tanki Leendert	863			
17 Ceque Colegio MAVO	Oranjestad	1,060			
18 EPB Hato	Oranjestad	1,024			
19 Centro di Bario Playa Pabou	Oranjestad	1,038			
20 Sint Franciscus College	Oranjestad	1,012			
21 Colegio Bon Bini	Oranjestad	1,071			
22 Club Aruba Juniors	Oranjestad	989			
23 Sint Dominicus College	Oranjestad	1,090			
24 Maria College Mavo	Oranjestad	1,030			
25 Prinses Amalia School	Oranjestad	973			
26 Colegio EPI	Oranjestad	1,014			
27 Biblioteca Nacional Aruba	Oranjestad	1,034			
28 Colegio Arubano	Oranjestad	1,040			
29 Fatima College	Dakota	1,025			
30 Pius X School (1)	Dakota	1,016			
31 Pius X School (2)	Dakota	1,046			
32 Colegio Conrado Coronel (1)	Santa Cruz	1,004			
33 Colegio Conrado Coronel (2)	Santa Cruz	994			
34 Centro Caiquetio	Paradera	921			
35 Maria Goretti College	Paradera	1,076			
36 Colegio Pastoor Kranwinkel (1)	Paradera	1,081			
37 Colegio Pastoor Kranwinkel (2)	Paradera	1,029			
38 Emmaschool (1)	Paradera	955			
39 Emmaschool (2)	Paradera	1,094			
40 St. Verst. Gehandicaptten Aruba	Paradera	1,030			
41 Compleho Deportivo Franklin Bareño (1)	Paradera	987			
42 Compleho Deportivo Franklin Bareño (2)	Paradera	933			



[illegible]



# Aruba Democracia 2021

Urna		Districto	Total votador	A21	TRANSFORMA PPA	MAs
43	Colegio Laura Wernet-Paskel	Santa Cruz	1,069			
44	SPO Santa Cruz	Santa Cruz	1,048			
45	Club Estrella	Santa Cruz	968			
46	Maria School (1)	Santa Cruz	906			
47	Maria School (2)	Santa Cruz	986			
48	Colegio San Hose (1)	Santa Cruz	905			
49	Colegio San Hose (2)	Santa Cruz	992			
50	Colegio San Antonio	Santa Cruz	965			
51	POVA	Santa Cruz	901			
52	Centro di Formacion KIA	Santa Cruz	1,018			
53	Cacique Macuarima School	Santa Cruz	1,033			
54	Colegio Santa Famia (1)	Pos Chikito	1,044			
55	Colegio Santa Famia (2)	Pos Chikito	1,089			
56	Colegio Sagrado Curason (1)	Savaneta	951			
57	Colegio Sagrado Curason (2)	Savaneta	994			
58	Colegio Sagrado Curason (3)	Savaneta	1,099			
59	Colegio Sagrado Curason (4)	Savaneta	1,050			
60	Scol Caiquetio	San Nicolas	1,018			
61	Sint Michael School	San Nicolas	936			
62	SPO Brazil	San Nicolas	996			
63	EPB San Nicolas	San Nicolas	946			
64	Comm. Pieter Boer School	San Nicolas	992			
65	Y.M.C.A.	San Nicolas	1,088			
66	Filomena College Mavo	San Nicolas	983			
67	Graf Von Zinzendorf School	San Nicolas	1,009			
68	Comm. Gen. Abraham de Veerschool	San Nicolas	1,044			
69	Colegio San Nicolas	San Nicolas	964			
70	Politie Opleidingsinstituut E.J. (W) Vos	San Nicolas	856			
71	Bijzondere Stembureau A	Ambulante	x			
72	Bijzondere Stembureau B	Ambulante	x			
Total			70,281			
Kiesdeler:			Cantidad di asiento			
			Cantidad di restzetel			
			Total asiento			



[illegible]



# Aruba su tradicion di celebracion Dia di San Juan 24 di juni



San Juan, ta un di fiestanan tradicional unico di Aruba, cu ta ser celebra riba 24 di juni. Un dia tradicional di dera e gay. Departamento di Cultura Aruba (DCA) a cuminsa por lo menos 10 dia prome cu e dia 24 di juni, caminda cu seccion di implementacion di dicho departamento a sali haci entrega di e buki 'Ban Hunga Wega y Siña mas di Fiesta di Dia di San Juan, dera gay' na tur scolnan preparatorio y basico di Aruba. For di 2013 a entrega caba e 'Caha di Tradicion Cultural Fiesta di San Juan' yena cu informacion pa e maestronan di scol basico. Na 2019 DCA a entrega e buki 'Shon Wantomba y e Celebracion di Dia di San Juan', y aña pasa na 2020 a haci entrega di un USB-stick cu material virtual saca fo'i di e mesun buki 'Shon Wantomba y e Celebracion di Dia di San Juan'. E aña aki DCA a

entrega e buki manera ya menciona na 61 scol, tanto scol preparatorio y basico cu lo contribui na mantene y promove nos tradicion y folklore cerca nos alumnonan.

E celebracion aki tin su origen entre e indjannan pagano di siglonan pasa cu a origina for di sur di Mexico despues pasa pa frontera di Guatemala y otro paisnan di Centro Americano, yega Venezuela pa despues ser treci Aruba unda el a keda un tradicion te dia di awe. "Dera Gay" a bira un tradicion Arubano celebra tur luna di juni riba nos isla. El a cuminsa realmente como un ceramento di un temporada Agricola di un cosecha bieu pa otro nobo. E indjannan cu tabata biba cerca di naturalesa, tabatin masha miedo di lo desconocido y sigur di Diosnan. Asina ta cu ora e temporada di cosecha a pasa nan lo haci e cunucu limpi y e resto di e cosecha bieu lo wordo kima. No tabatin miho forma di purificacion cu haci uzo di candela, pero na e mesun momento nan lo tabata haciendo ofrenda na e Dios di candela.

Pa nan gradici varios Dios cu tabata instrumental den nan creencia yudando nan cu e yobida y solo cu ta necesario. E indjannan y despues e cunukeronan tur tabata gradici pa e abundancia di cosecha

y uza e oportunidad pa pidi mas cosecha pa e aña venidero. Asina ta cu nan tabatin candela grandi riba e ultimo dia di e aña di cosecha y celebrando e Aña Nobo cu celebracion. Bo no por cera e parti bieu sin celebracion y purificacion. Riba e bispo di e aña di cosecha nobo, mientras cu e candela ta bira grandi den aira, e hende hombernan lo tabata bula riba e candelanan. Hopi competencia y desafio ta ser haci y tambe cu ronda di cuminda y bebida.

For di Mexico e festividad aki a haya su caminda pa Sur y America Central, Venezuela y Aruba. Isla di Aruba a adapta, cambia y amplia e celebracion. Pero e religion Catolico Romano a cambia y influencia hopi cos. E celebracion aki cu ta uno pagano lo no por ser cambia, asina ta nan a adapta esaki.

Pa mas cu dos siglo Dia di San Juan ta ser celebra riba Aruba. For di tur tempo agricultura a bira parti di e bida diario di e Arubiano su expresionnan cultural na unda evidentemente Dia di San Juan a bira parti di dje.

Despues di e temporada di cosecha, sea un bon of mal aña, fin di mei of trempan den luna di juni, e troncon y reis of resto di mata, maishi of otro cultivo ta ser saca for di suela. Esakinan ta ser colecta pa kima riba



dia 23 di juni, bispo di Dia di San Juan. Riba dia 24 di juni, esta Dia di San Juan (Dia di Dera Gay), weganan ta ser hunga. Algun ta puramente atletico, manera coremento y bulamento. Tur e weganan aki mester ser haci prome cu 4'or di atardi; deramento di gay lo tuma luga prome cu solo baha. Den e tera un buraco lo ser coba. Un gay jong (bibbo) ta ser poni den e buraco y tapa esaki cu un calbas corta na mita, asina cu e calbas lo ser poni riba e mesun nivel cu e area rond.

Un hende homber su wowo ta ser tapa cu un tela y ta wordo gedrey pa un hende muhe mientras cu e hende homber ta baila riba e tono musical di e cancion di "Deramento di Gay" data for di aña 1862, di manera cu e lo perde e sentido di direccion. Cu un palo (e mañal) den su mannan, mientras cu e ta baila y busca cu su pianan, e ta trata di sinti su caminda na unda e gay lo ta dera. E hende homber ta haya solamente tres chens pa haya su obhetivo. Despues

di e tres chens y e no haya e gay, e ta ser cambia. Un otro bailado lo tuma su luga y sigui baila y busca. Esun cu gana, e gay lo ta e premio.

Awendia e actividadnan aki ta tuma luga na diferente caminda riba henter nos isla, cu weganan y competencia. Na luga di e gay bibo, un calbas ta ser uza. E colornan predominante cu ta ser uza na e fiestanan aki ta geel, cora y preto.

E celebracion aki di San Juan ta ser promovi como un tradicion di nos cultura entre nos hubentud y henter e comunidad Arubano. Departamento di Cultura Aruba ta promove e celebracion aki tur aña den e compromiso cu e educacion cultural entre nos habitantenan di Aruba. E aña aki ya ta pa di 23 aña cu e proyectonan escolar aki ta tuma luga. Ta bon pa nos siña mas y mas di nos tradicion cultural y comparti esaki cu otro.


Cultura bo tin cu Bib'e. Biba nos Cultura, Biba San Juan!



# Vota Endy Croes

8

SI! CU  
ENDY SI!




Porta habrí,  
Solucion Concreto







## Vota Endy Croes



### Economia > Trabao

E pandemia a afecta nos economia y consecuencia directo di esey ta trabao. Den Endy su vision, e caminda ta cla: Mester pusha economia pa asina hunto cune por crea cuponan di trabao.

Endy ta kere den refineria pero tambe proyecto di LNG gas. Ambos proyecto lo crea cuponan di trabao de inmediato.

Debi cu prijs di gas ta stabiel, esaki lo haci cu asina cu start e uso di LNG gas, e gastonan di WEB ta baha pa cual lo conduci na un rebaho di prijs di awa y coriente. Eagle LNG ta e compania cu actualmente ta den negosacion cu RDA y WEB y ta premira cu e proyecto aki ta uno vital pa yuda Aruba su economia.



### Vivienda > Fcca > Tereno pa Cas Propio

Cifranan ta muestra cu tin hopi persona cu ta pendiente pa un cas. Lista di espera di FCCA ta grandi, pero tambe construccion di propio cas. Riba e viviendanan social, mester sigui sostene FCCA lo mas posibel pa construccionnan di viviendanan social y atende e petitionnan segun prioridad y emergencia.

**Maneho di Tereno >** Den ultimo añanan por scucha cu e exigencianan pa yega na tereno patraha propio cas ta poco halto. Debi na esaki, un grupo di persona no a logra keda cla. E condicionnan aki mester wordo revisa y mester bin un solucion concreto, con pa flexibilisa e condicionnan pa asina mas persona por cumpli cu nan soño di tin nan propio cas.

### Deporte > Inverti den nos hobennan >

Renobacion y Mantencion di nos facilidadnan deportivo.



Deporte ta un di e puntonan fuerte di Endy. Endy tin deporte na curazon. Desde mucha el a practica deporte di baseball y despues softball. Awendia Endy ta presidente di Aruba Softball Bond.

Endy su vision riba deporte ta pa sigui inverti den nos hobennan, dunandonan e guia y support necesario. Alaves percura pa renoba y mantene nos facilidadnan deportivo.

Endy Croes a percura pa traha Stadion di Crismo Angela, Nadi Croes, como tambe dos stadion deportivo na Pos Chikito. Durante su traboanan haci pa deporte, a percura pa tur deporte y tur team haya nan merecido atencion. Su vision ta pa sigui dedica atencion na e mundo deportivo y atende mesora e prioridadnan.

### Aruba, bo conocemi > Porta habri > Solucion concreto

Renobacion y Mantencion di nos facilidadnan deportivo.

Deporte ta un di e puntonan fuerte di Endy. Endy tin deporte na curazon. Desde mucha el a practica deporte di baseball y despues softball. Awendia Endy ta presidente di Aruba Softball Bond.

Endy su vision riba deporte ta pa sigui inverti den nos hobennan, dunandonan e guia y support necesario. Alaves percura pa renoba y mantene nos facilidadnan deportivo.

Endy Croes a percura pa traha Stadion di Crismo Angela, Nadi Croes, como tambe dos stadion deportivo na Pos Chikito. Durante su traboanan haci pa deporte, a percura pa tur deporte y tur team haya nan merecido atencion. Su vision ta pa sigui dedica atencion na e mundo deportivo y atende mesora e prioridadnan.



# Ken ta *Endy Croes?*



"Endy Croes ta yiu di Mama Sofia Croes Rasmijn d.f.m y Everaldo Croes d.f.m  
Endy tin 53 aña y ta tata di 7 yiu di edad entre 34 y 16 aña. Endy tin 25 aña felismente casa  
cu su esposa Dilaila Croes-Odor.

Desde chikito Endy a lanta hunto cu su rumannan Everaldo, Sandra, Edmond den e dushi distrito di Sta Cruz. Su mayornan semper a haya importante pa nan yiunan por bay scol pa haya nan educacion pero alavez a enfoca den actividadnan pafo di scol. Asina a percura pa laga nan yiunan bay les di musica y dedica na deporte. Endy a siña toca drum y trombone cual el a hasi pa hopi aña na unda el a toca den brasband y banda(nan) conoci di carnaval. Endy a sirbi Misa y a toca riba Koor di Sta Cruz. Otro pasion grandi di Endy tabata baseball y softball. Tanto como atleta riba nivel di seleccion di pais y despues como dirigente a forma Endy su caracter y carera. Factornan Deseo, Disciplina, Dedicacion y Determinacion "4D" ta e base cu a transforma Endy den un lider den diferente posicionnan central tanto na Aruba como Internacional.

Despues cu Endy a gradua na Hulanda como Chemisch Analist, Endy a regresa Aruba y a traha den Refineria Coastal desde 1991. Endy a casa y a muda pa distrito di Noord unda e ta bibando pa mas di 26 aña. Endy su yiunan a nace y crece den Noord. Despues di a traha 10 aña den Coastal Endy a sigui pasonan di su defunto Tata (Efe) y Abuelo (Jendy) cu retonan nobo como entrepreneur. Asina Endy a habri y maneha su propio negoshinan entre otro Bar Restaurant den Sta Cruz y Botica Noord den Noord. Banda di esaki Endy a fungi como un promotor exitoso organisando hopi shownan internacional y den ramo di deporte pa 12 aña largo e magnifico campeonato di softball Champ of the Champs cual a ricibi reconocemento di Federacionnan Internacional manera WBSC Americas y CONSURSA. Desde 2001 pa 2009 Endy a fungi den Directiva di Lotto pa Deporte como Vice Presidente, Presidente y despues Director unda a logra triplifica e benta di Lotto pa Deporte di 16 miyon pa 42 miyon pa aña. Proyectonan manera Stadion Frans Figaroa, Parke Jaburibari, Veldnan na Pos Chiquito, complehonan deportivo Yara y Simeon Antonio, veld di Baseball Nady Croes/ Crismo Angela tur a wordo logra den e periodo 2001-2009 y ta papia pa nan mes.

Desde 2013 Endy a ricibi oportunidad pa subi lista di MEP y desde 2017 pueblo a honra Endy cu un stoel den Parlamento. Endy ultimo 4 aña den Parlamento a hiba un lucha tenaz pa un husticia husto pa frena corrupcion. Alavez Endy a enfoca cu hopi pasion riba tema nan manera Deporte, Economia y Infraestructura. Esnan cu conoce Endy sa cu Endy semper ta cla pa brinda ayudo cu su portanan habri pa pueblo. Endy ta un persona cu un bon curason un gran carisma un luchador y trahador incansabel pa su pueblo. Endy ta conoci pa su determinacion pa logra su metanan.





# Masha danki Noord!

8





# Masha danki Rooi Bosal!

8






Deporte ta mi pasion. Traha pa e atletanan di mayan ta mi conviccion.

# Cu bo sosten deporte ta etala



**SI! CU  
ENDY SI! 8**



**Porta habrí,  
Solucion Concreto**



VOTA ENDY CROES



# Vota SI!



**SI!** pa **Recuperacion**

**SI!** pa **Bienestar**

**SI!** pa **Trabou**

**SI!** pa **Democracia**


**SI!** pa **mas Turismo**

**SI!** pa **mas Inversion**

**SI!** pa **Deporte**

**SI! CU  
ENDY SI!**

**8**



**Porta habrí,  
Solucion Concreto**

**CU BO  
ARUBA TA  
AVANSA**



# Masha danki Papilon y Santa Marta!

8








Testimonio di Pueblo **SI!**

**Endy, un homber di curason grandi.  
Endy a nace pa yuda hende.'**

Johannes Poy Flanegin



**Porta habrí,  
Solucion Concreto**






# SI! CU ENDY SI!



	
1	Evelyn Wever-Croes
2	Xiomara Maduro
3	Dangui Oduber
4	Glenbert Croes
5	Rocco Tjon
6	Arthuro
7	Mark Tevreden
8	<b>Endy Croes</b>
9	Edgard Vrolijk
10	Alvin Molina
11	Shailiny Tromp-Lee
12	Guillfred Besaril
13	Ady Thijsen
14	Setty Christiaans-Yarzagaray
15	Darlaine Guedez-Erasmus



**Porta habrí,  
Solucion Concreto**








Testimonio di Pueblo **SI!**

**'A nace un sentimento pa Endy pa  
e forma cu e ta trata hende. Conseho pa pueblo:  
e ta un bon decision pa vota pa Endy Croes!'**

Dodo Faro

**SI! CU  
ENDY SI! 8**



**Porta habrí,  
Solucion Concreto**



VOTA@ENDYCROES.COM | 587-3480




# Masha danki San Nicolas!

8








Testimonio di Pueblo **SI!**

**‘Endy Croes ta priminti,  
y e ta cumpli’**

Pancho Oduber



**Porta habrí,  
Solucion Concreto**








**SI! CU  
ENDY SI! 8**

**TEAM SI CU ENDY SI DEN CAMPAÑA 2021**




**Porta habrí,  
Solucion Concreto**





# Votar por mi, es Votar por ti

*Endy Croes*



**Porta habrí,  
Solucion Concreto**






## Ami ta Endy



Balornan familiar ta un conhunto di creencia, principio, custumbernan, relacionan respetoso, y demostracionnan di afecto cu ta transmiti pa medio di generacionnan.



**Porta habrí,  
Solucion Concreto**

